

**IV. OPOSICIÓN E CONCURSOS****VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E DEPORTES**

*ORDE do 17 de outubro de 2023 pola que se modifica a Orde do 19 de abril de 2023 pola que se aproban as bases xerais reguladoras e se convocan o proceso selectivo de acceso por promoción interna e o proceso de provisión por mobilidade nos corpos de policía local de Galicia, escala básica, categoría de oficial (códigos de procedemento PR461C e PR461H).*

Mediante a Orde do 19 de abril de 2023 aprobáronse as bases xerais reguladoras e convocouse o proceso selectivo de acceso por promoción interna e o proceso de provisión por mobilidade nos corpos de policía local de Galicia, escala básica, categoría de oficial (DOG núm. 86, do 5 de maio).

Esta orde inclúe no anexo IV unha táboa cos méritos que se terán en conta na fase de concurso do proceso de acceso por promoción interna e a súa correspondente valoración. Neste sentido, o artigo 80.3 da Lei 2/2015, do 29 de abril, do emprego público de Galicia, e o artigo 29 do Decreto 15/2023, do 12 de xaneiro, polo que se desenvolve a Lei 4/2007 de coordinación de policía locais de Galicia, establecen a necesidade de incluír unha puntuación específica para as situacións de maternidade, paternidade e coidado de familiares. Na referida táboa de méritos do anexo IV da orde non se incluíu ningunha epígrafe que puntuase estas situacións.

Deste modo, resulta necesario modificar a táboa de méritos da fase de concurso de acceso por promoción interna e incluír unha epígrafe que valore o exercicio de dereitos de conciliación polas persoas aspirantes, xa que esta modificación só afecta o procedemento de promoción interna (PR461C).

O prazo de presentación de solicitudes rematou o día 20 de xuño de 2023, polo que procede conceder un novo prazo que permita ás persoas aspirantes admitidas chegar a documentación xustificativa pertinente, de ser o caso.

En consecuencia co exposto, e de conformidade co establecido no Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de policía



local, vixilantes municipais e auxiliares de policía local (*Diario Oficial de Galicia* núm. 222, do 22 de novembro), esta vicepresidencia primeira, en virtude da competencia asumida para o efecto,

**DISPÓN:**

**Artigo 1.** *Modificación da Orde do 19 de abril de 2023 pola que se aproban as bases xerais reguladoras e se convocan o proceso selectivo de acceso por promoción interna e o proceso de provisión por mobilidade nos corpos de policía local de Galicia, escala básica, categoría de oficial (códigos de procedemento PR461C e PR461H)*

A Orde do 19 de abril de 2023 pola que se aproban as bases xerais reguladoras e se convocan o proceso selectivo de acceso por promoción interna e o proceso de provisión por mobilidade nos corpos de policía local de Galicia, escala básica, categoría de oficial, modifícase nos seguintes termos:

Completar o anexo IV de táboa de méritos da fase de concurso de acceso por promoción interna, engadindo a epígrafe 7 para valorar o exercicio de dereitos de conciliación nos cinco anos anteriores, que queda como se detalla a seguir:

**ANEXO IV**

**Táboa de méritos fase de concurso do proceso de acceso por promoción interna (PR461C)**

Epígrafes	Descrición dos méritos que se van valorar	Valoración parcial (en puntos)	Valoración máxima por epígrafe
1. Titulacións académicas oficiais	– Título universitario de posgrao, doutor ou equivalente.	3,00	4,00 puntos
	– Título universitario de grao, licenciado, arquitecto, enxeñeiro ou equivalente.	2,00	
	– Técnico superior, diplomado universitario, enxeñeiro técnico, arquitecto técnico, diplomado superior en Criminoloxía, Ciencias Policiais ou equivalente.	1,50	
	– Bacharelato técnico ou equivalente.	0,50	
2. Antigüidade como funcionario de carreira	– Cada ano de servizo, ou fracción superior a seis (6) meses, nos corpos de policía local.	0,20	4,00 puntos
	– Cada ano de servizo, ou fracción superior a seis (6) meses, noutro corpo de seguridade.	0,10	
	– Cada ano de servizo, ou fracción superior a seis (6) meses, noutro corpo de calquera Administración pública.	0,05	

CVE-DOG: 455era89-w2o4-2kg9-3en6-ax6dpx2h2h0



Epígrafes	Descrición dos méritos que se van valorar	Valoración parcial (en puntos)		Valoración máxima por epígrafe
		AS	AP	
3. Formación profesional e docencia	<b>Como alumno de Agasp ou en actividades conveniadas:</b>	<b>AS</b>	<b>AP</b>	8,00 puntos
	– Cada hora en actividades de tipo presencial.	0,015	0,025	
	– Cada hora en actividades de formación en liña.	0,010	0,020	
	<b>Como alumno noutras actividades alleas á Agasp:</b>			
	– Cursos ou actividades ata 20 horas.	0,20	0,30	
	– Cursos ou actividades entre 21 e 40 horas.	0,35	0,50	
	– Cursos ou actividades entre 41 e 70 horas.	0,45	0,65	
	– Cursos ou actividades entre 71 e 100 horas.	0,50	0,75	
	– Cursos ou actividades entre 101 e 200 horas	0,75	1,00	
	– Cursos ou actividades de máis de 200 horas.	1,00	1,30	
	<b>Como profesor da Agasp ou en actividades conveniadas:</b>			
	– Cada hora en actividades de tipo presencial.	0,020		
	– Cada hora en actividades de formación en liña	0,015		
	<b>Como profesor noutras actividades alleas á Agasp:</b>			
	– Cada hora en actividades de tipo presencial.	0,015		
	– Cada hora en actividades de formación en liña.	0,010		
4. Distincións e recompensas oficiais	– Placa individual ao mérito da policía local.	2,00		2,00 puntos
	– Placa colectiva ao mérito da policía local.	1,50		
	– Medalla ao mérito da policía local.	1,00		
	– Medalla ou cruz ao mérito policial doutros corpos.	0,75		
	– Distincións do órgano colexiado competente do concello.	0,25		
5. Idiomas	Coñecemento de idiomas, distintos do español e do galego, acreditados por certificado de escola oficial de idiomas.			4,00 puntos
	<b>A) Ciclos:</b>			
	– Certificado de superación do ciclo elemental.	1,00		
	– Certificado de superación do ciclo superior.	2,00		
	<b>B) Niveis:</b>			
	– Certificado superación nivel básico.	0,65		
	– Certificado superación nivel intermedio.	1,30		
	– Certificado superación nivel avanzado.	2,00		
Só se terá en conta o ciclo ou nivel de máis valor dos que se acrediten.				

CVE-DOG: 455era89-w2o4-2kg9-3en6-ax6dpx2h2h0



Epígrafes	Descrición dos méritos que se van valorar	Valoración parcial (en puntos)	Valoración máxima por epígrafe
6. Lingua galega	Cofecemento da lingua galega, segundo acreditación:		2,00 puntos
	– Celga 1.	0,25	
	– Celga 2.	0,50	
	– Celga 3.	0,75	
	– Celga 4.	1,00	
	– Curso de iniciación.	0,75	
	– Curso de perfeccionamento.	1,00	
	– Curso de linguaxe administrativa nivel medio.	1,50	
	– Curso de linguaxe administrativa nivel superior.	2,00	
	Só se terán en conta o título de máis nivel dos que se acrediten.		
7. Exercicio de dereitos de conciliación nos cinco anos anteriores	– Permiso por parto, adopción ou acollemento (artigos 121 e 122 LEPL).	0,2 puntos/permiso	1,00 punto
	– Permiso do outro proxenitor por nacemento, acollemento ou adopción dun fillo (artigo 124 LEPL).	0,2 puntos/permiso	
	– Redución de xornada do artigo 106.2.a) e b) da LEPL.	0,04 puntos/mes	
	– Excedencia para o coidado de familiares.	0,04 puntos/mes	
	Os meses serán computados por días naturais (30 días)		

## Artigo 2. *Prazo de presentación de documentación xustificativa*

As persoas aspirantes incluídas na relación definitiva de persoas admitidas no proceso de acceso por promoción interna dispoñen dun prazo de 5 días hábiles, computados a partir do día seguinte ao da publicación desta orde no *Boletín Oficial del Estado*, para presentaren a documentación xustificativa dos méritos correspondentes á epígrafe engadida mediante o artigo 1 desta orde. O anuncio desta modificación será publicado tamén nos boletíns provinciais das catro provincias galegas.

### Disposición adicional

Para a valoración dos méritos alegados na quenda de concurso, terase en conta a data límite de presentación de instancias da Orde do 19 de abril de 2023 pola que se convocaba este proceso selectivo (20 de xuño de 2023).



**Disposición derradeira primeira. *Recursos***

Esta orde pon fin á vía administrativa e contra ela as persoas interesadas poderán presentar recurso potestativo de reposición ante a persoa titular da consellería competente en materia de seguridade, no prazo dun mes, contado desde o día seguinte ao da súa publicación no DOG, consonte a Lei 39/2015, do 1 de outubro, ou impugnala directamente ante a Sala do Contencioso-Administrativo do Tribunal Superior de Xustiza de Galicia, no prazo de dous meses, contados desde a mesma data, consonte a Lei 29/1998, do 13 de xullo, reguladora da xurisdición contencioso-administrativa.

**Disposición derradeira segunda. *Entrada en vigor***

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 17 de outubro de 2023

Diego Calvo Pouso  
Vicepresidente primeiro e conselleiro de Presidencia, Xustiza e Deportes

